

38. ولتنظر نفس ما قدمت لغد | سلسلة الداء والدواء للشيخ

محمد خیری

محمد خیری

السلام عليكم ورحمة الله وبركاته الحمد لله رب العالمين له الحمد الحسن والثناء الجميل وشهاده ان لا اله الا الله وحده لا شريك له وشهاده ان محمدا عبده ورسوله. وبعد فاسأل الله سبحانه وتعالى ان يزيدنا واياكم بزينة الايمان - 00:00:00

وان ينفع بنا وبكم حيثما كنا وكتنم طيب الله اوقاتكم ويسر الله اموركم واسأل الله سبحانه وتعالى ان يجعلني واياكم ممن رضي بالله ربا وبالاسلام دينا وبمحمد صلى الله عليه وسلم نبيا ورسولا - 00:00:26

يسددني واياكم في هذا الصباح وكل صباح العلم النافع والعمل الصالح والرزق الطيب المبارك اه ما زال الحديث في صباح وباكورة كل يوم خميس عن الكتاب المبارك كتاب الداء والدواء - 00:00:43

وكان يتكلم الامام ابن القيم في فصل يقول وكل واحد من الفعل والترك الاختيارين انما يؤثره الحي لما فيه من حصول المنفعة التي يلتذ بحصولها او زوال الالم الذي يحصل له بشفاء الشفاء بزواله - 00:01:06

بيتكلم عن ايه ابن القيم هنا؟ بيتكلم رحمة الله عليه ان الانسان آآ بتكون قدامه اختيارات قدام اختيارات آآ الاختيارات دي ايه اللي بيأثر فيها اللي بيأسر فيها آآ وبيدفعه هو الحب والارادة - 00:01:24

الحب انت حباب ايه وعقلك اختار ايه فهو بيقول وهذا مطلوب يؤثره العاقل بل الحيوان البهيم. ولكن يغلط فيه اكثر الناس غلطا قبيحا ويقصد حصول اللذة بما يعقب عليه اعظم الالم - 00:01:48

نسائل الله العفو والعافية. بيقول ان في ناس نزروا قاصر بقى عارف ان الحاجة دي فيها قلم ويختارها ولذلك من الحاجات المهمة جدا في آآ تقبیح المعصية عند الانسان مع ذكر الجانب الشرعي فيه معنى مهم جدا. ايه هو ايه هو بقى - 00:02:09

تقول له اخرة السكة دي ايه يعني في وحدة آآ بتكلم ولاد ومقضياها في الجامعة والدنيا ايه تمام التمام واحدة راحتها خالص خالص نيجي نقول لها ايه - 00:02:35

مع التذكير بالامور الشرعية نذكرها نقول لها طيب يا سرت في تعالى كده نقف وبهدوء خالص البنت اللي خدت السكة دي ومشيت مسابقتك من عشر سنين وصلت لايه اللي بيشرب مخدرات - 00:02:56

تعال يا سيدى نتكلم كده بهدوء خالص الناس اللي شربت حشيش ومخدرات وال حاجات دي كلها. بعد عشر سنين هم فين هم فين هات لي اخر الطريق ما تجيبيش اول الطريق. هات اخر الطريق - 00:03:17

الشاب اللي مقضيبها ليل نهار سهران طول الليل مع زمايله قاعد في الميادين وقاعد امال ايه؟ يتفرج على اللي رايح واللي جاي وحياته عاملة زي بالزبطة كده واحد معه رأس مال وقاعد امال ايه يحرق فيه. واحد ادى له والده ادى له يعني رزم فلوس كده وهو - 00:03:35

ولاعة وقاعد كل يوم بیولع في رزمه منهم السادة وقته للأسف الشديد جدا ارخص من رباط الحزاء اللي هو لابسه. عنده قعد يضيعه فنقول له ايه بنقول له طيب تعالى نشوف - 00:03:53

هل الناس اللي مشيت هنا وسبقوك من عشر سنين في الطريق ده؟ هم فين دلوقتي زمايلهم كلهم اتخرجوا من الجامعة. وصاحبنا لسه يعني متخرج شايل مع كل ترم شايل تيرمدين - 00:04:11

وهم اتخرجوا واللي سافر برة واللي راح الخليج واللي سافر اوروبا واللي رينا من عليه هنا في بلده وده خطب وده اتزوج وده الحمد لله بيشطب شقته وحياته ماشية طب وانت - 00:04:28

لسه انت مبسوط اوي اوي انك بالليل بتشرب عصير قصب وبتكمel السوببيا بتاعتك وتروح المطعم ده وتيجي من ده وقاعد تتتصور وتهزر مع فلان وفلان. بعد عشر سنين - 00:04:44

ما حدش قابلك يا عريض ما فيش حد شايفك راجل مسئول ما فيش حد يأتمن بنته تحت انك وانها تكون معك واخدin بالكم الفكرة ديت ادراكها مهم اوي اللي بيشرب سجاير. تعال شوف كده مع من الجانب الاقتصادي. المال اللي هو محتاجه. الجانب الصحي - 00:04:58

ما قال الموضوع ده ايه؟ طيب كل ده هو عداه تعال شوف ولاده كارهين ريبة باباهم ومهم ما كانوا بيسلموا عليه. بس بينهم وبين نفسهم بيتقىأوا بسبب القرب من الرائحة المشمئزة ديت. زوجته - 00:05:27

مهما كانت طيبة معه و بتقرب منه في قراره نفسها من اصعب الحاجات عليها الامور الخاصة. ليه؟ عشان الريحة ديت ريبة سيئة جدا جدا جدا وقاعد سبحان الله! الناس اللي هو لهم مكانة عنده. اللي مش عارفين ان هو بيشرب سجاير تلقيه يعني قاعد ان كانه بيسرق - 00:05:47

وعاوز يقفل بلكونة ويروح بشرب الناحية دي ويعمل الناحية دي. ليه كل القصص ديت فالخلاصة انك لما بتستحضر مقالات الطريق ده بيفرق كتير اوي اوه عموما يا جماعة اه لما بتلقي حد - 00:06:12

عمل معصية معينة مهم انك وانت بتعالجها تنظر في حاجتين. الدوافع والمقالات ايه الدافع اللي خلاه يصل هنا؟ الصحبة السيئة مسلا طيب ما الات الطريق ده اي النقاط دي هتخليك تدرك كويس اوي - 00:06:36

وانت بتخاطبه انك تمكنت من سلاح الوعي لان لما هيفهم هتساعدك كتير ان شاء الله في الترك اه فابن القيم بيتكلم ان في ناس عنده النظر عقله قاصر يقول وهذا شأن من قصر نظره على العادل. قاعد يبص على الايه؟ العادلة - 00:06:58

ولم يلاحد العواقب. ادي بقى المشكلة اصلا ربنا اعتق العقل عشان تنذر للعواقب واخدin بالكم وده اصلا فكرة الدار الاخرة كلها لما الله سبحانه وتعالى آآ سيدنا موسى ماشي بالليل - 00:07:25

ومعه زوجته فشاف نور من بعيد وعاوز يعرف الطريق فلا يمكنوا اني انسن نارا. انا شايف في نار هناك هنا هروح اقتبس واسأل كده وبتاع عشان في حد يدلنا ولا اي حاجة كده - 00:07:46

ولهمكتوا الاية دي سبحان الله فيها اكتر من عشر ارشادات لعلاقة الايه؟ للعلاقة الصحية بين الرجل واهله آآ من الملامح الجميلة اللي هو قال لهم امكتوا ان هو لا ياخز زوجته الى الاماكن التي فيها توتر - 00:08:02

يتحمل هو آآ الامور اللي فيها المفاجآت اما هي فلا الامر الثاني ان يغلب على الظن ان ثم رجال ان ثم الرجال المكان ده فيه رجاله فيحميهم من الاختلاط المهم لما تركهم - 00:08:24

وذهب فاذا وجد بداية الدنيا والآخرة وانا اخترتك فاستمع واستمع لما يوحى. اني انا الله الى اخر الايات. ثم قال الله سبحانه وتعالى له ان الساعة اتية ان الساعة اتية. يا الله على الجمال - 00:08:46

يعني لسه بقى هنقول له اذهب الى فرعون والقصة كلها لكن لأن تستطيع ان تقوم بهذه التصرفات الا بعد ما توضع صحة التصورات في القلب اول تصور ان الساعة اتية - 00:09:12

الساعة جاية فده يخليك عاقل تختار اللي هيوديك للايه آآ يصح لك العواقب. كنت بتكلم امبراح في امومة ان الانسان له خمسة اعمار كل واحد على وجه الارض بيمر بخمسة اعمار - 00:09:34

كل واحد ربنا خلقه له خمسة اعمار العمر الاولاني وهو العمر عمر الزرف صح اللي كان في عالم الزر الله سبحانه وتعالى قال الست بربكم؟ قالوا بلى. سورة الاعراف لدى العمر الاولاني - 00:09:57

والانسان خرج من العمر ده اصول الفطرة اللي منها فطرة الله سبحانه وتعالى. انه فطر الخلق على التطلع الى معبد. انه عنده كده

ايه؟ ان الخالق فطرت على التوحيد وفطر الله العباد فيها على التآلف والتعارف الارواح جند مجنة ما تعارف منها اختلف وما تناكر
منها اختلف. تشو夫 واحد جاي يقول سبحان الله انا مرتاح له - 00:10:22

سم بعد كده عمر الانسان فوق الارض سم عمر الانسان في باطن الارض سم عمر الانسان في ارض المحشر سم عمر الانسان الابدي
السرمي وكل واحدة منهم فيها تفاصيل كتيرة قوي - 00:10:50

مش ده الهدف ممكن نتكلم في اعمار الانسان في يوم تاني ان شاء الله. لكن خليني اتكلم في ملحم فيما يتعلق بعمر الانسان فوق
الارض. ودي ده عمر التكليف. وده اقصر اعمارك بالمناسبة. اقصر عمر هتعيشه هو العمر - 00:11:05

تاني قدامك لسه في عمر في البرزخ في ابرك. في عمر في ارض المحشر وفي العمر السرمي كل الناس بقى تايهه فين ومشغولة
بالعمر اللي هو اقل حاجة العمر ده فيه خمس - 00:11:23

خمس رقاب عليك. في خمس امور بترقبك وبتابعك تخيل كده انك في دخلت اوضة لقيت خمس كاميرات خاف منها اصح تخاف
تقلق اقصر الاعمار هو اخطر الاعمار لان ده عمر التكليف. وفيه خمس رقابات - 00:11:43

نقابة الملك الديان سبحانه وتعالى علام الغيوب. الذي لا تخفي عليه خافية يعلم ما يخطر في قلبك وما يدور في عقلك لا تحجب عنه
سماء سماء ولا ارض ارضي وهو اسرع الحاسبيين - 00:12:06

والرقابة دي ما فيهاش فوت كده خلاص وقلوب العباد بين اصبعين من اصابعه وبعدين رقاية الملائكة الكاتبين على الخلق تخيل
بقى الملائكة اللي بتكتب كل حاجة صاحب اليمين بيكتب الحسنات وصاحب الشمال بيكتب السيئات - 00:12:25

وقريينك قريين من الملائكة وقرىين من الشياطين وفي معقبات من بين يديه ومن خلفه يا الله فالجميع سم رقابة الرسل على الامم
الشهيد من الرسول كل امة فيها شهيد من الرسول. يشهد عليهم محمد صلى الله عليه وسلم شهد على هذه الامة. فكيف اذا جئنا من
كل امة بشهيد وجئنا - 00:12:47

بك على هؤلاء شهيدا وجئنا بك شهيدا على هؤلاء فالرسل هتشهد يوم القيمة والمؤمنون الرقاية اللي بعد كده رقاية الناس بعضهم
على بعض. المؤمنين شهداء الله في الارض. اه. كما قال النبي صلى الله عليه وسلم - 00:13:12

ثم رقاية الانسان على نفسه. بل الانسان على نفسه بصيرة. والله اصل انا ما كنتش اعرف اصل انا مش عارف ايه وبتاع خلاص بقى
اليوم نختم اليوم نختم على افواههم. خلاص بقى انت اتكلمت كتير او في الدنيا. اسكت بقى شوية - 00:13:34

وتكلمنا ايديهم. تقول اليad انا للحرام مددت وتشهد ارجلهم وتقول القدم انا للحرام تحركت بما كانوا يكسبون عشان كده كل يوم كل
يوم في حاجة بتحصل غريبة جدا جدا دي بقى الحاجة اللي بتحصل ديت من الجوارح - 00:13:52

كل يوم اه ان الجوارح بتبدأ تتكلم مع اللسان وتقول له فوق يا حاج انت مودينا على فين اذا اصبح ابن ادم اول ما يصحى من النوم
اذا اصبح ابن ادم. يعني الكلام ده حصل النهاردة؟ اه - 00:14:20

فان الاعضاء كلها تكفر اللسان فتقول اتق الله فيما بيتركتروا كده. اتق الله فيما فينا فانما نحن بك فان استقمنا وان اعوججت
اعوججنا. نسأل الله العفو والعافية كل يوم المشهد ده بيحصل؟ اه بيحصل - 00:14:42

ان الجوارح بتقول للسان انت كأنك كافر بالعممة فاتق الله فيما فخلي بالك عشان ليل نهار اللسان ده قاعد يتكلم مع سين
وصاد والتليفونات اللي ما بتهداش دي - 00:15:10

وكل يوم نشحن رصيد عشان نكمل في اللي احنا بنكمل فيه نسأل الله العفو والعافية. وخلاص بقى يوم القيمة بقى كفاية بقى لسان
اتفق بلسانك على على التجارة دي واتفق بلسانك على - 00:15:31

المعاملة دي واتفق واتفق. فكفاية بقى. فتشهد الجوار. فكده عندنا الشهود كم عندنا الرقابات ديت خمسة كان في محاضرة
وقفوهم انهم مسؤولون. مش فاكر بقى موجود على النت ولا ايه - 00:15:45

انت هتتسأل عن ايه فلازم تبقى وانت مدرك يوم القيمة ربنا بيقول وقفوهم وقفوهم انهم مسؤولون. كله هيتسأل كله هيتسأل
المتكلم من اللي بيتكلم دلوقتي واللي بيسمعني لن تزول قدم عبد يوم القيمة. ايوة ان تعبت اسمعني - 00:16:03

يوم القيمة خمسين الف سنة رجلك مش هتتحرك من مكانها لغاية ما تتسأل عن اربع حاجات في الزمن هتتسأل عنه في حاجتين
العمر عموما والشباب خصوصا. عملت ايه في عمرك - [00:16:32](#)

ما فيش انا يعني عادي يعني اني رحت الجامعة الحضانة وكبرت من يوم ما بلغت بقى و كنت دايخ كده كنت بانتقل من من مدرسة
لمدرسة وحياة ويتاع افنيت عمرك في ايه ؟ - [00:16:51](#)

فيما افنيت مش عمرك يا اصل انا رحت وبقى هتتسأل على يوم ويوم عملت ايه فيما افنيته ؟ انا افنيته في طاعتك افنيته في اعلاء
كلمتك كان كل همي ان الناس يا رب تحب كلامك - [00:17:09](#)

انا افنيت في تخيل كده ان اخوانكم الموقفين المجاهدين في فلسطين ربنا يسألهم عن عمرك فيما افنيت طب وشبابك بقى الشباب
بقي بالزبط افنيته في ايه الشباب ده انا كنت في الانفاق - [00:17:28](#)

تحملت لاجلك يا رب. لبيتك في المقدس يا بيت المقدس يا رب مصر نيك فيما افنيت الله المستعان انت مدرك هتتسأل على الاثنين
دول وعن مالك من اين وفيما جبت الفلوس منين - [00:17:49](#)

ده كان ورس وده كنت بشتغل تمن ساعات وده كنت بتاجر في عقارات. طيب وده مم يعني ده بقى ما اعرفش جاي منين. لا هتتسأل
طيب خلصنا السؤال بتاع جاي منين ؟ راح فين - [00:18:12](#)

رايح فين انا كنت كل يوم كده ايه اصل انا عندي سن التبزير كده قاعد بقى امال اعزم الناس وافترتك فلوسي هنا وهناك ويتاع والكلام
ده كله ما كنتش مركز في الاخر اه اما يبتدى لي الاخرة كده اروح مطلع كده خمس تلاف عشر تلاف - [00:18:30](#)

وطالع بمزاجي كده وفي فرق واحد كان بيطبع وهياخد حسنات وواحد تاني بيطبع بياخد دهب وواحد يعني اقصد دهب ياخد
حسنات مختلفة خالص ليه ؟ ده انفه فين ؟ في حاجة مباحة - [00:18:47](#)

عادي جبت به شوية لبس ويتاع والكلام ده كله. بزرت ولا لم تبزر قضيتها بقى وقلت بقى اجيب شاليه هنا واجيب مش عارف العربية
ديت واعمل ايه ويتاع وانفقت فين ؟ والجامعة الخاصة والمدارس الخاصة وكل حاجة خاصة خاصة خاصة خاصة. كنت باعلم ولادي
احلى تعليم - [00:19:01](#)

وبدخل بناتي احلى جامعة واجيب لمراتي احلى موبايل. واجيب لاولادي احلى عربية. سكتهم في احسن مكان جميل طب واخرتك لا
انا كنت بانفقت مش احلى اتفاق وما كنتش بتتصدق باعلى صدقة. لا لا ما كانش ده اللي شاغلني. لا لا - [00:19:23](#)

انا كنت في الدنيا بركز قوي ليه هو عقلي اسر العاجل اختار العاجل في واحد بقى فلوسه فيما انفقت لا انفقتها في اعلاء كلمة الله
كنت كل مرة قاعد بسأل يا جماعة انا عاوز آآ الاموال دي تنفق - [00:19:46](#)

في تخرج ائمة من ائمة المسلمين في القرآن انا عاوز الحاجة ديت اه اه اعمل كده دار تحفظ الناس كتاب الله وان والشباب دول بدل
ما بيقى تايهين كده مش عارف ايه. وده بيعمل مش عارف ايه للنساء. وده بيعمل ايه لكرزا وكزا وكزا. وده بيتعين كتاب بيعرفهم فيه
شمائل النبي صلى الله عليه وسلم. وسنة النبي صلى - [00:20:06](#)

صلى الله عليه وسلم وده بيزوع كتاب حصن المسلم جايب منه ميت نسخة وقاعد يديها لقرايبه عشان يحافظوا على ا Zukar ولا يا كل
واحد بيجي بقى ايه يوم القيمة يشوف. ايه اللي حصل ؟ هو السطر اللي ابن القيم بيقول عليه ده - [00:20:30](#)

لم يلاحظ العواقب اسمه عقل عشان ايه ؟ ينظر في العواقب واخدin بالكم عمر الانسان يا جماعة شوف انت لازم وانت لازم حط قاعدة
كده عمري بين نفحة ونزع نفحة انت اللي هيحصل. احنا عندنا دلوقتي رقابات خمس صح - [00:20:49](#)

العمر الدنوي المحدود عمر التكليف اللي هو اقصر حاجة وشوفوا الخمس اعمار دول العمر الاولاني لما ربنا سبحانه وتعالى اخرج من
ظهر ادم ذريتها وشهادهم على نفسه. العمر ده انت مش فاكره - [00:21:14](#)

زي بالزبط كده لما تكون والدتك بتوريك صورة وانت عندك تلات شهور و كنت بتعمل معهم عمرة. وانت النهاردة عندك تلتاشر سنة. انت
فاكر المشهد ده ؟ لا بس من صور وصدق والدتك ووالدك فانت عارف يقينا انك رحت - [00:21:33](#)

خلاص وفي اثر واحنا هناك وبنتووضاً عند اه زمم كده انت ايه راسك اتخبطت فايه متعور كده في حته كده ايه في ايه اه راسك

كده متخيطة العالمة دي صح كده؟ اه. ربنا - 00:21:50

سبحانه وتعالى كل الخلق اشهادها في وقت معين انت مش حاسس به. بس الصورة بقى اللي والدتك بتوريها لك اه الفرق بقى ان الاية بتطلعك اللي هي اقوى بكثير من الصورة - 00:22:06

المتر كيف فعل الم ترى انا ما رأيت لم ارى لكن عندما يخبرك الله صار خبر الله اشد من رؤياك. فكأنك رأيت فطالما ربنا اخبرنا خلاص كده فانت دلوقتي ادركت تماما ان الموضوع ده تم - 00:22:21

والخبطة ديت اسارها الفترة اطارتك من جوة واخدin بالكم بدأ عمر الایه؟ العمر الاولاني. العمر ده طويل قوي. لغاية ما انت جيت بقى اول ما نزلت من بطن امك دخلت العمر الثاني. العمر ده قد ايه - 00:22:41

العمر ده قد ايه؟ هتعيش كم؟ اعمار امتي ما بين الستين والسبعين وقليل من يجاوز ذلك الغريب ان تلاقي بعض الاباء والامهات كسر الستين وقع ضمان يجده في الحياة ويجري في حياته الدنيوية اكتر واكتر وقاعد امال ليه؟ زي ما يكون سبحان الله يعني اول ما بلغ الستين قلباس ابدأ اتجوز نرمين بقى - 00:22:57

وبيبدأ من اول وجديد هيبدأ تحس ان هو ايه هيبدأ بقى بيعمل بيت حياة بقى وهيبدأ يعيش. انت رايح فين يا حاج اعمار امتي ما بين الستين والسبعين وقليل من يجاوز ذلك. قليل اللي يفلت من كده. فالاصل ان اعمار الام فتلاقي عنده اربعة وستين سنة وغرقان - 00:23:23

المصنع وغرقان في الشركة. انت يا حاج امتي؟ امتي؟ امتي هتوقف المروحة دي؟ امتي هتقلل انك ترفع رجلك عن انك ضاغط على بنzin الدنيا ودايس قوي امتي؟ يهرم الانسان ويهرم معه اسنان. بيكبر ويكبر معه حاجتين - 00:23:41

بيكبر معه حرصه على المال وحرصه في العمر يبقى عنده خمسة وستين سنة. وقاعد يقول لك ايه؟ ونعمل الصفقة دي. الصفقة دي عاوزة كم؟ سبع سنين. يقول لك نعملها ونسافر مش عارف فين وهيطلع لنا حوالي تلتاشر مش عارف ايه. يا حاج يا حاج اهدى - 00:24:04

مش بقول لك ما تعملش بس انت شغال اشتغل خلاص انت المفترض دلوقتي تمانين في المية يبقى شغلك لابرك يلا شف بقى اتشطب بقى ابدأ شطب القبر ده. حط شف فيه تكييف ولا ما فيش تكييف. الدنيا تحت اخبارها ايه؟ فيه نور ولا ما فيش نور؟ الدنيا مظلمة ولا لا - 00:24:24

ولا داخل على الخراب الله المستعان لازم تفوق لازم تفوق قلت لكم القصة اللي حكيتها لكم قبل كده قصة ظريفة رمزية الرجل اللي كان ماشي في العربية راكب عربته ومع ولاده. وبعدين هم ماشيين كده لقوا راجل يعني محترم قوي ولبسه شيك كده اوبي - 00:24:43

والراجل ده مهذب وكرافته وبتاع مشاور لهم في العربية انت مين؟ قال له انا انا الشهادات وانا العلم وانا ف قال له اركب وصلوني معه قال له اه طبعا الدنيا ما كانت الدنيا زنقة اوبي - 00:25:08

فقال لابنه يا ابني دخل ركب خلاص فركبه جنبه شوية ومشي وبتاع والكلام ده كله لقوا واحد برضه لابس كده دكتور يعني ابن ناس والسماعة في ودنه والدنيا روقان قوي - 00:25:25

انت مين؟ انا انا الصحة. اركب ركب شوية لقى واحد معاه شنطة وشنطة شيك اوبي كده وبتاع انت مين انا المال اركب الحكة بتقول له يا حاجة ما فيش مكان قال لها لأ ازاي؟ ده ده لازم يركب - 00:25:40

ده ده الحياة ما وراكبش لا وقلب له بقى. لم رجلك يا ابراهيم خد ايه؟ خد الراجل ده جنبك. يا ابي ما فيش مكان. لا يا حبيبي ده هيقعد انت قوم انت - 00:25:59

ان هو يقعد شوية انهم ماشيين ولقى واحد برضو لابس لبس ترفيهي كده وقاعد مبسوط وبتاع قال له انا الفرشة ركبه في الآخر خالص بقى اخر الطريق لقوا راجل كده بزي ازهري وعليه سمت الایه - 00:26:13

الاستقامة وحاجة كده جميلة وفي ايده مصحف وسمته كده ايه ما شاء الله لا قوة الا بالله. بيزكرك بالصبح ازا تنفس من هدوء نسيمه

قال لهم انا بس امشي معكم يعني اهوا اخر الطريق ده. كلهم نزلوا من العربية - 00:26:29

وسلموا عليه وده يسلم وده يسلم وبتاع والكلام ده كله سبحان الله وسلمي يا لينا على عموم الشيخ ولين تسلم على عموم الشيخ انا بحبك قوي يا عموم الشيخ انا والله العزيم - 00:26:49

دائما ماما قبل ما بنام بتندنها تكلمني عن حضرتك خلاص على فكرة يا عموم الشيخ انا ممكن اسمع لحضرتك دلوقتي صورة بت بت ديدا وما غلطش ولا حرف ما شاء الله لا قوة الا بالله - 00:27:01

بتحبوني جدا جدا بنموت في حضرتك طب ركبوني مع فين ما فيش مكان. والله كان بيدينا نفس بقى بس هنتصور مع حضرتك صورة سلمي وباقول لك ايه الله يكرمك ممكن ترقى لي البنت آآ البنت دي - 00:27:15

تعالى يا ندى عشان عموم الشيخ يرقىكي. اصل البنت دي مسكينة عندها مشكلة يا جماعة اركب معكم لا وسابوه يا عيني في الطريق لوحده وكملو في الطريق لما وصلوا عند الكوبري لقوا فيه كمين - 00:27:29

الكمين ده له منزله على جنب فقال له انزل وخليل العربية تدعى قال له طب انا هاخد آآ عيالي معى قالوا له لا طب اخد المال العام الشهادات ولا الصحة لا - 00:27:47

اهي يا جماعة انت هتنزلوا كل حاجة. قال له معك دين قال له طب قال له ده ورا ارجع اجيده. قال له لا. خلاص. احنا هنا ما بنرجعش حد. كلا انها كلمة هو قائلها - 00:28:03

كتير مننا بيعامل كده مع عموم الشيخ بس اللي هو الدين اه الدين ده جميل قوي كده نلعب في خودده كده ونروح يوم في رمضان هاتي يا هدير الاسدال وهدير تجبيب الاسدال وحطها في العربية ما شاء الله سمعه - 00:28:18

نعمل عمرة ونتصور كده وبتاع هو ده لكن ان هو الدين ده اكسجين انت ماشي به الدين ده انت جبت السيارة عشان ترکبه اصلا. مش ركبته معى لا انا اصلا اشتريت العربية عشان هو يركب معى - 00:28:34

واخدin بالكم عمر الدنوي ده بقى اللي انت هتعيشه ما بين الستين والسبعين. عندك خمستاشر سنة مراهق اتبقى كم من الستين خمسة واربعين الخمسة واربعين دول تلتهم نوم لو انت بتناوم نوم مسلم بالغ عاقل - 00:28:54

طبيعي يعني هتناوم تمن ساعات. ادي تلت ايه راح لما تضيع كمان تلت الباقي اكل يعني طل طلع كده تقريبا التلت الباقي ما بين الحاجات المباحة والعمل ودخول الحمام بتاعه القصة دي الباقي ايه - 00:29:13

الباقي ده بس ربنا قال لك ايه اشتغلوا كوييس عشان اديك عمر سرومدي تظل منعم طول عمرك وانت اصلا كده في الدنيا انا مش حرمتك من النعم. ده فيه حاجات معينة بس قلت لك ما تجبيش ناحيتها - 00:29:31

قادامك طول عمرك طول حياتك في جنة عرضها السماوات والارض مش هكلمك عن طولها انت بس تدرك العرض وتروح بقى تسمع سلسلة حديسنا عن الجنة عشان تفهم ماذ اعد لك - 00:29:48

بالله عليكم لو فيه واحد قال لك اشتغل النهاردة الاربعة وعشرين ساعة من ده الوقت. انت بقى كتت نايم مش نايم لقيت كده واحد فجأة كده دخل لك دلوقتي الساعة دلوقتي كم؟ ستة ونص راح داخل عليك. قال لك بقول لك ايه؟ لغاية ستة ونص بكرة الصبح - 00:30:04

تظل معى وتركت معى اشتغل في حاجات كده هقولها لك تشتغل عليها. عادي عاوز تكلم والدتك عادي تدخل الحمام عادي تأكل وتشرب عادي. بس تتتابع الورقة دي وكل شوية ايه ترد لو حد بعث لك رسالة ولا كده - 00:30:27

اربعة وعشرين ساعة تكون صاحي طيب هتديني ايه مكانها هديك مليون دولار بكرة ستة ونص الصبح بكرة هتاخذ مليون دولار بالله عليكم العرض ده يتساب العرض ده هيتتساب ما فيش عاقل في الدنيا يسيبيه - 00:30:44

صح؟ ما فيش عاقل في الدنيا يسيبيه ربنا قال لنا ايه؟ اشتغلوا في الدنيا؟ اه. اشتغل يوم واحد بس. يوم ربنا ما قليش يوم. ده انت لسه بتقول ستين. لا - 00:31:13

ولتنظر نفس ما قدمت لغد. يا جماعة يوم القيمة بكرة ربنا سبحانه وتعالى بيقول لك بالنسبة لعمري يوم القيمة بكرة الموضوع كله

تشتغل لي النهاردة بس وبكرة الموضوع هيتهي ولتنظر نفس ما قدمت لغد - [00:31:24](#)

بكرة اه والله بكرة فلما تلاقي بقى انك في الاخر خالص هو ده اللي مطلوب العمر الدنيوي ده بيبدأ من نفح الروح في الجنين في بطن امه صح كده؟ ويا بخت الام بقى اللي بايه - [00:31:44](#)

اللي جعل الله بطنها محل هزا هذه النفحة ياه انت متخيل ان امك دي عشان تعرف قيمتها ان حياتك اتلخصت في بطنها اذ كتب رزقك واجلك وعملك وانت سعيد ولا شقي وانت جوة بطنها - [00:32:03](#)

عشان تعرف وعشان تعرف في مكانتك عشان تعرف في الرحم اللي ربنا سبحانه وتعالى من عليك به ده ما الذي يحدث فيه من امور غريبة يا الله المهم عشان ما نبعده عن كلام ابن القيم لان موضوع العقل ده لما ننذر للعواقب هنفرق معنا كتير او اي او اي هنا - [00:32:23](#)

انت فينفخ فيه الروح ان الانسان ان احدكم لا يجمع خلقه في بطن امه اربعون اربعون يوم. ثم يكون عرق مثل ذلك ثم يكون مضغة مسل ذلك. سم يرسل اليه الماء فينفخ فيه - [00:32:47](#)

الروح. فانت دي النفحة طيب والنزعه والنمازعات غرقا والنashطات نشطا. فانت ما بين نفحة ونزعه انت ما فيش توفته رسالنا وهم لا يفرطون في بين لك النبي صلى الله عليه وسلم الموضوع خلصان - [00:33:00](#)

فاحنا كل يوم كل يوم في واحد مننا بيغادر ده مش واحد. مجموعة بتغادر. ولقد جئتمونا فرادى كما خلقناكم اول مرة وتركتم ما خولناكم وراء ظهوركم تركت كل حاجة الله اكبر - [00:33:24](#)

بالله عليك بقى اللي ما بين النفحة والنزعه هو ده عمر الانسان الحقيقي. اللي هو اقصر اعمارك. هو عمر التكليف والامتحان وده اللي دخلناه واللي احنا فيه الان. ده اللي اقلام الملائكة شغالة - [00:33:48](#)

وده اقلام الامتحان بيكتب علينا العمل كله بيكتب عشان المهمة النبيلة نشوف مين فينا نجح فيها ايه هي المهمة النبيلة دي الا ليعدون فربنا سبحانه وتعالى لما خلقنا وجعلنا مستخلفين في الارض دي - [00:34:03](#)

وقال لنا وانفقوا مما جعلكم مستخلفين فيه ده يخليك بقى انك تنذر المآل وتبدأ تشو夫 العمر القصير ده انا هانده فيه ازاي وهفلت منه ازاي الحياة دي دار عمل دار مسئليات مش دار شهوات. وعلى فكرة لو لو فهمتم كده لو الواحد فهم كده - [00:34:25](#)

الدنيا دار المسئليات لا دار الشهوات. شفت الكلمة البسيطة دي ؟ والله تفعل في قلبك وعقلك وسلوكك الافاعيل. لو فهمتها صح دنيا دار مسئليات. طب الشهوات لأ الشهوات كلها الصح الصح هتاخدها هناك. هنا انت بتاخدي ايه؟ حاجة كده ايه يعني حاجة فراغي كده. يعني تدوق دوقة كده. يعني اكل تدوق - [00:34:53](#)

آآ شهوة خاصة تدوق لقطة. لكن هناك لا بقى دار دار الشهوات الحقيقة. لكن هنا دار مسئليات دار عمل الاخرية ضاد جزاء لا عمل اللي مش هيشتغل هنا - [00:35:20](#)

هو حر هو حر فعشان كده اما تيجي تاخد القرار دايما بنقيم هيقول النظر في العواقب لازم تبقى باصص هناك شوف اخرتها ايه الدنيا مشتقة من الدناءة او الدنو. اما من الدناءة لانها لا تساوي عند الله جناح بعوضة - [00:35:36](#)

ايه ده يا شيخ يعني الشهادة اللي انا بدفعها دلوقتي لبنتي وابني وقاعدة ادفع فيها بالمتين الف ومية ومش عارف ايه وبتاع واهليه ومهليه اه هو ده حرام مش حرام - [00:35:58](#)

بس خلي بالك بس ان الموضوع كله محصل بعضه. فاهدي يعني ما تورطش نفسك وتعيش في ديونك وبتاع ومضغوط وتشتغل اربعة وعشرين ساعة في في الاربعة وعشرين ساعة عشان تزل دنك - [00:36:08](#)

كأنك في الساقية بتاعة الدنيا دي انت عارفين اعزكم الله الحيوان اللي قاعد في الساقية ده البقرة اللي قاعدة تلف في الساقية بتبدأ ويبقى هدفها تروح للنقطة اللي بدأت منها وشغالة في الساقية دي - [00:36:23](#)

لأ انت لازم تعيد تاني اولوياتك ايه معنا كده ما دخلش اولادي الحاجات دي براحتك لو ربنا مانن عليك لكن الاهم الاهم انك تركز فيه هو اولوياتك اللي هتنفعك في قبرك ايه - [00:36:40](#)

واولويات اللي هتنفع ولادك في قبرهم ايه وده لا يمنع ابدا انك تؤمن ايه ؟ دنيتهم على قد ما تقدر ؟ اه ما فيش مشكلة لكن لازم تاخد بالك. الدنيا دناءة. يعني لا تساوي عند الله جناح بعوضة - 00:36:58

فبالله عليك عندك بقى عربية نص ونص ما عندك بقى عربية مش كل اما تشويفي واحدة عندها عربية اه بقى وبتاع وتعيطي وبينك وبين نفسك مكسورة ومش عارف ايه والبيت ده ايه - 00:37:16

ده السقف مش عارف ايه التكيف عندنا بينقط ومش عارف ايه وعاوزين نغيره ومش معنا المواضيع ديت ما ينفعش تبقى شاغلاك
الشغل الكبير قوي ده ليه ؟ عدنا قبل كده المسال اللي باحكيه لكم كتير اوبي. واحد راجع للبيت. ولد في تالتة اعدادي - 00:37:28
مروح البيت. فعدى على صندوق قمامه فشاف حاجة كده شاف فرخة ميته فرجع لمامته قال لها ايه ؟ والله يا ماما لو عرفت اللي انا
النهاردة تركته وان ابنك ده قد ايهنبيه وبقى ولد عاقل اوبي. ايه يا حبيبي فيه ايه ؟ شفت فرخة ميته وما رضتش اخدها والله يا
ماما. اه والله والله العزيز اقسم - 00:37:47

لا يا ماما كان عليها الدبان قلت لأ هسيبها لله اسيبها عشان صحتي والله ما رضيت حتى وان كنت معي الموبايل و كنت عاوز اتصور
جنها كده وابوس فيها ما رضيتش - 00:38:12

مامته تقول عليه ايه مامته هتقول ايه ؟ الواد ده مجنون طيب ايه الدافع اللي خلى الولد يقول كده ان هي ان هي الحاجة دي عنده
عالية صح ان الحلقة دي ان الفرخة دي وال الحاجة دي عالية اوبي عنده - 00:38:26

فهو شايف لها قيمة فسابها كان قدامي وتركت لله. طالما قعد وطول كان قدامي يبقى انت شايفها. ولذلك علماء السلوك الheroic مسلا
في كتابه السائرين اللي شرحه ابن القيم في المدارج قال كلمة جميلة جدا - 00:38:53
قال لك انت عاوز تعرف مين الزاهد في الدنيا ؟ مين هو قال لك ازاي في الدنيا الذي يكف عنها مدحا وذما ؟ مش قاعد يذم في الدنيا.
ليه ؟ ما انت قاعدة ما قلت ذمها يبقى شاغلاك. والناس بقى - 00:39:12

مشغولة بالدنيا دي والناس اللي مشغولة بالدنيا قوي دي. يا عم انت شايفها قوي ليه ؟ انت لو فهمين الدنيا لا تعدل تعديل عند الله
جناح بعوضة. مش شايفها النبي صلى الله عليه وسلم يشوف عبدالله بن عمرو بن العاص قاعد شغال وبتاع بيقول له ايه ده ؟ قال له
يا رسول الله يعني خص لنا قد وهي - 00:39:27

فنصلحه. قال الامر اعجل من ذلك. عمر بن الخطاب يقول له يا رسول الله مش عارف آآ قصة وقىصر يتنعمون في النعيم وانت ها هنا
والحصير على ظهر النبي صلى الله عليه وسلم وانت ها هنا يا رسول الله تنام على الحصير. قال وفي هذا انت يا ابن الخطاب هو انت
هنا - 00:39:46

النبي صلى الله عليه وسلم مش بيقول له اللي ينام على السجادة ومرتاح ده غلط. بس هو النبي صلى الله عليه وسلم بيقول هو انت
في الحنة دي انت مشغول في النقطة دي ؟ انت لسه بتدور في الحنة دي ؟ هو ده اللي شاغلاك ! فالدنيا من الدناءة او من الدنو مشتقة
من الدنو لقربها - 00:40:05

لانها اقرب اليها من الدار الاخرة بحسب الترتيب الزمني فالله المستعان شوفوا اهل الجنة لما يتقال لهم يوم القيمة كلوا واسربوا هنينا
بما اسلفتم في الايام الخالية الايام الخالية اللي احنا فيها دلوقتي - 00:40:22

الفرصة اللي احنا فيها ديت محدودة اوبي اوبي. والدنيا حتما منهية. ليه ما تمنهية لان الملك ربنا سبحانه وتعالى اللي كلفه بنفح
السورة ويوم ينفح فاذا نفح خلاص نفحة - 00:40:46

اذا نفح فيه ده ملك مكلف ده ما بيعملش اي حاجة يا جماعة نعم وده من الايمان بالغيب اللي يخليك دايما ايه ؟ تزبط موضوع عقلك
وتحتار العواقب صح يقول النبي صلى الله عليه وسلم قد التقم - 00:41:06

السور يعني هو الطقم اللي ايه ؟ الحاجة اللي هييفخوا بها دي حطيتها في بقه واصفى ليتا اي رفع احدى شق رقبته ويبص عارف في
واحد بيقول لك مسلا في واحد في الدور الثاني بيقول لك ايه عم اشاور لك - 00:41:24

بعيني كده ولا اشاور لك بابدي ايه خلاص اتحرك فهو عامل ايه ؟ فقعد يبص لي كده الرجل ده ما هو الملك ده ينظر ينتظر الازن

وشوفوا سبحان الله يعني عزمة الملك سبحانه وتعالى. اذا كان فيه عظمة ربنا سبحانه وتعالى. اذا كان فيه ملك من ملائكته يعني

الكون - 00:41:42

بنفخة فما بالك بربه الكون ده الكون كون. الكرة الارضية والشمس والقمر والنجوم والسماءات والارض ببناتع نفخة واحدة. يعني الملك ده مش هيمنفع يا جماعة مش هيمنفع يا جماعة عشرين نفخة عشان يعني ايه مش نفخة واحدة للشمس. خلاص او الشمس تاخد اتنين والقمر ياخد واحدة. الجبال تاخد ثلاثة. خلاص والبحار تاخد لها اتنين - 00:42:08

والناس تموت تاخد ايه؟ عشرة. وبعدين؟ لا لا يا جماعة لا هي هي نفخة واحدة من ملك من ملائكة الله. وده ايه؟ ده واحد من جند لا يحصيهم الا الله - 00:42:32

ينهي يعني الله سبحانه وتعالى الكون بالنفخة دي. وبعدين نفخة تانية عشان يطلعوا. ايه ده ايه ده اللي يهمني ايه في المشهد ده غير التعظيم انك موضوع في موضوع قريب او - 00:42:49

الدرس ده مرعب صح؟ لا ولا مرعب ولا حاجة. الدرس ده اعلى دروس ان شاء الله تأمنك. ليه لان في واحد لما يقول لك خلي بالك في اسد برة البيت - 00:43:08

هتاخد احتياطاتك وانت طالع وهتطلع في الوقت المناسب لكن واحد يغفلك ويقول لك ده الدنيا جميلة خلاص. ده انت عارف ده ده مش اسد. ده دي صورة اسد. ولا فيه اي ولا هتحس بحاجة. عدى بس من قدامه ولا هييجي جنبك - 00:43:20

يطلع ياكلك. يبقى ده ضحك عليك وضلك النبي يقول بعثت انا وال الساعة كهاتين. انا وال الساعة كهاتين. ويشاور بالسبابة والوسطي. يعني لازقين في بعض كده واخدin بالكم فالعصر اللي احنا فيه ده عصر اه اقترب اقترب من الساعة جدا. كل يوم جمعة بين طلوع الفجر وطلوع الشمس اللي هو امتى؟ بكرة قبل - 00:43:34

زي دلوقتي كده ايه اللي بيحصل فيه ما فيش دابة على وجه الارض البقرة اللي جنبك ديت واللي انت حاططها بتسمع بتسمع صوتها في المزرعة والكلب اللي سامع صوته في الشارع والحصان اللي قدام منك والديك اللي قاعد - 00:44:03

بيأذن ده ما من دابة الا وهي مطرقة رامية ودتها. مصغية من طلوع فجر الى طلوع شمس. تتنزز الساعة الا الانسان والجن دول دايixin يا الله! يا الله جميع الخلائق ما عدا الجن والانس - 00:44:20

بيرتاعوا روعا شديدا في يوم الجمعة. الكلام ده يا جماعة لا يفهمه الا اهل التقوى اللي بيؤمنوا بكلام الله. لا ريب فيه هدى للمتقين الذين يؤمنون بالغيب وهذا من الغيب - 00:44:44

اللي بتفاعل معه اجمل ما في الهند في القرآن ان بيصيغ الانسان صبغة بيخلية بيخلية الغيب دايما عنده كأنه شهادة فيبيخليلك كده من غيب لشهادة الدنيا رايقة معك او صعب صعب صعب جدا جدا. ترتب فوضى الشهادة بدون عالم الغيب. واتكلمت في الموضوع ده في اكتر من درس - 00:45:02

ازكر ايه يعني فكل دول مستبني يهدى الا الساعة تقوم النهاردة. لان هذا الوقت هو وقت قيامها. ولا تأتي الساعة الا ده اخطر ما في الساعة. لا تأتيكم الا بفتة - 00:45:29

ليه؟ لان مؤمن بيسمعني دلوقتي وبيقول ايه دا مش هتيجي لا لاسه بدرى لا هو هو دا التحدى ان هي تيجي بفتة اما الساعة الكبيرة والساعة الاليه؟ الاقل. الساعة الكبيرة يوم القيمة جاي بفتة. وساعتك انت جاية بفتة - 00:45:45

ساعتك انت جايب ضغطة ليه؟ من مات اقامته قيامته. ما هو انت فاكرة ان القيمة بقى هتقوم امتى لما الشمس تكون ولسه الدجال يا شيخ والمهد يا شيخ ولسه - 00:46:02

الحروب وبناتع وآخر الزمان وبناتع والاخوات اللي اللي قاعدin ياخدوا اماكن في الصحراء دول يقول لك تعال وبعد بقى وشنة الدنيا هتقوم كلها وهيتدربكوا على بعض الامر اعجل من ذلك. انت لو مت النهاردة - 00:46:12

وصلينا عليك النهاردة العصر هتدخل قبرك اه قامت قيامتك خلاص ستة دخلت في سكة تانية خلاص انت في موضوع ما لناش دعوة به الله المستعان عمر الانسان اللي احنا فيه ده الانسان من من يوم ما اتولد حكم عليه بالموت - 00:46:27

من يوم ما اتولد. كله مولود ميت لا يمكن ان يولد المولود الا وقد قدر لي وقت موته يكتب معه عند نفخ الروح وهو جنين في وقت امه في بطن امه وقت موت - [00:46:47](#)

التفصيلية خطتك التفصيلية مكتوبة. وده قوة الایمان بالقضاء والقدر كتابة ما هو كائن. مكتوب كله يكتب فيها عمرة. ملك الموت جاء. خلاص مكتوب اللي نفخ في الروح وملك الموت معه اللي ايه وقتك - [00:47:00](#)

وما تدري نفس ماذا تكسب غدا وما تدري نفس باي ارض تموت وآت لا محالة. الاجل محدد ولكن مجھول بالنسبة لنا ومن لم يمت بالسيف مات بغيره. تعدد الاسباب والموت واحد. كل يوم بنودع بعثا الى الدار الاخرة - [00:47:22](#)

عارفين مشكلة البعض ده ايه كل يوم بنودي طائفة عارف مشكلة الطائفة دي مشكلة المجموعة اللي كل يوم بنوديها الدار الاخرة دي لا يرجعون الا عند الحشر لا يرجعون الا عند الحشر - [00:47:46](#)

ركز في الكلام ده خلاص انتهى. هنشوفهم تاني امتي هناك عند الحشر طب هو يا عيني راح فين كنا بنشاهد الموتى فيهم من هم اسن منا واصغر منا. وفي المعاصر لنا - [00:48:06](#)

ومن هو افرغ منا ومن هو اقوى منا ومن هو اغنى منا ومن اكثرا سلطانا منا ووجاهة منا وبنشوفهم جمبيا بيتوجهوا للدار الاخرة يستووا اذا دفنا انقطعت اخبارهم. اذا وقفت على مقبرة فيها ملك وملوك - [00:48:24](#)

فيها غني وفقير فيها جميل وقبيح طويل وقصير ابيض واسود ما تميّزش حاجة بأي حاجة واحدة اما روضة من رياض الجنة واما حفرة من حفر النار القبر الواحد بيجمع فيه. من هو في غاية النعيم ومن هو في غاية العذاب - [00:48:43](#)

تختلط عظامهم ده جنب ده جنب ده الله المستعان عرفتم بقى ان عشان كده كل يوم جديد. كل ساعة بتاخدها دي نعمة من ربنا عليك. وما بكم من نعمة فمن الله - [00:49:01](#)

فيه النعمة ديت لازم تشكر ربنا عليها. لما اداك اليوم الجديد ده اداك اليوم الجديد ده اه اشكره. تعمل ايه؟ يالله وريني كيف ستشكر اراده المنعم؟ اهو المنعم سبحانه وتعالى لما زود في عمرك يوم جديد - [00:49:19](#)

عشان تشتعل شغل جديد وشغل زيادة ايه الشغل الزيادة؟ النهاردة انت خدت يوم عشان ايه؟ اقرأ قرآن اقرأ اليوم النهاردة وردي واراجع وردي اهتم بارحام واهتدى زود حسناطي. كل يوم تغيب شمسه ولا يزيد عملك فلا تعدد من اعمالك - [00:49:38](#)

ما تعدوش من ايامك اصلا واخدin بالكم عشان كده هنينا اللي فاهم المعادلة هنبا ليه؟ لانه بيختار صح النزد في العوّاقب عشان كده ابن القيم يقول خاصة العقل النظر في العوّاقب - [00:50:02](#)

فاعقل الناس من اثر لذته وراحته الاجلة الدائمة على العاجلة المنقضية الزائلة. او هو السطر ده اللي خلانا ايه؟ نسرح الایه الخمسين دقيقة اللي فاتوا دول انك آتأثير الاجلة الدائمة. ما انت بقى عشان تفتح قوس بقى جوة السطر ده وتملاه بقى. شف بقى هو ايه هو الاجل؟ ايه هو اللي مكمل - [00:50:20](#)

واسفه الخلق من باع نعيم الابد. نعيم الابد. وطيب الحياة الدنيا واللذة العظمى التي لا تنفيص فيها. ولا نقص بوجه ما بلذة مناقصة مشوبة باللام والمخاوف وهي سريعة الزوال وشيكة الانقضاض - [00:50:45](#)

يا الله على فكرة الحاجات ديت انت يوميا لازم تذكر نفسك بها. يا رب يلهمني السداد وال توفيق. واكلمكم في اذكار الصباح والمساء ان اذكار الصباح والمساء هو المزكي المنبه اليومي - [00:51:10](#)

لمفهوم ان الساعة اتية وكمان وهو المستشار النفسي المريح اللي بسيبه صلاح البال اليومي. صلاح البال اليومي والهدوء النفسي اليومي اذكار الصباح والمساء والمنبه اليومي لمفهوم ان الساعة اتية اذكار الصباح والمساء - [00:51:27](#)

بس هي عاوزة تتقى عاوزة تتقى بطريقة كده انك تكون مستمتع وفاصم فيا رب يرشدنا لل توفيق والسداد فيها ان شاء الله. قال بعض العلماء فكرت فيما يسعى فيه العقلاء رأيت سعيهم كله في مطلوب واحد - [00:51:51](#)

وان اختللت طرقمهم في تحصيله واحد بيقول انا فكرت الناس بتتسعى لايه؟ فلقيت ان كل العقلاء بيدوروا على مطلوب واحد وان اختلف طرقمهم في تحصيله سبحان الله! لست ابص في الحاشية كنت عاوز اقول لكم ان ده كلام ابن حزم. هو فعلًا كلام ابن

الاخلاق والسير ابن حزم ده من من الحاجات اللي الناس كتير ما تعرفهاش ابن حزم في باب التزكية حاجة كده آآ ملمس يعني راجل فيلسوف عالي او اي او اي لعلنا نروح له في مداواة النفوس ان شاء الله في يوم من الايام او نقف واقفة معها يعني - 00:52:35 يقول قال بعض العلماء وده ملحم مهم جدا. ان ابن القيم ما زكرش مين هو وده بيكون لعلة خاصة بالكاتب مش معناه ان هو يعني مش عاوز بركة العلم لا بيكون اجتهاد ربما - 00:52:58

آآ اصاب فخد اجرين او اخطأ فخد اجر واحد يمكن فعشان كده قال كده والله اعلم. قال بعض العلماء فكرت فيما يسعى فيه العقلاء فرأيت سعيهم كله في مطلوب واحد. كل الناس بتطلب حاجة واحدة وان اختلقو في تحصيل. قال رأيته - 00:53:16 رأيهم جميعا انما يسعون في دفع الهم والغم عن نفوسهم. اي حد تلاقي كل كل اللي بيسعى فيه عشان يدفع الهم هي بتسعى عشان تتجوز ليه ؟ مهمومة بالجواز ومغمومة بتركه - 00:53:35

وهي مهمومة ان عيالها يخشوا كليات اللي مش عارف ايه اللي يتقال عليها ايه القيمة يعني كنت عاوز اقول كلمة تانية بس ايه هضايق بعض الناس. المهم فهو ده الهم اللي مشغولين به. الهم المال والهم المهم ان كل واحد مهموم. بيقول لك يسعون يسعون في دفع الهم والغم عن نفوسهم - 00:53:50

فهذا بالاكل والشرب. ده مشغول اكل وشرب و بتاع والدنيا راحت. شفتم الكهريا دفعنا امبارح تلات تلاف جنبيه الله المستعان ودفعنا مش عارف ايه و بتاع والكلام ده كله وطنط خلود لسه امبارح بتتكلمنا بتقول لنا انت نفعت لوحدي وانا قاعدة لوحدي ومش عندي الا تلاجة - 00:54:10

دفعت قد كده فده مهموم فهذا بالاكل والشرب وهذا بالتجارة والكسب. وهذا بالنكاح ده مشغول بالتجارة و بتاع وليل نهار وهذا بالنكاح اوعوا تفتكروا عشان طبعا ممكن يكون في حد اول مرة يسمعني اللي انا بقول لك الدنيا و بتاع والكلام ده كله انك تسيبها لأ ما هو الفكرة كلها فين - 00:54:29

مفهوم الغالب والمغلوب ومفهوم دلوقتي انت مشغول بالتجارة والكسب الدنيوي وسايب التجارة والكسب الاخروي اه مفهوم زهبت كلها وبقيت كتفها. هو اللعب هنا انا بتكلم في الحنة ديت اكيد انت فاهميكي كويسي قوي. يقول هذا بالنكاح وهذا بسماع - 00:54:50 الغناء والاصوات المطربة. وهذا باللهو واللعب وده تاييه بقى وقاعد بيسمع اغاني و بتاع يقول لك فقلت هذا المطلوب مطلوب العقلاء. ولكن الطرق كلها غير موصولة اليه. بيقول ده مطلوب يعني الكل عاوز بيقى سعيد. الكل عاوز - 00:55:08

الكل عاوز ان الله يتشارل سواء بقى يتشارل من خلال الاغاني من خلال ده انه يلعب ويسير المزاكرة. يا امي عاوز العب يا امي عاوز العب هو بيطلب الله ولعب عشان يبعد عن الهم والغم - 00:55:25

طب وده بيشتغل ليه؟ عاوز يبعد عن الهم والغم وده بيجربي على اكل وشرب وعاوز يبعد عن الهم والغم ابن القيم بينقل عن ابن حزم والكلام اللي هقوله لكم ده يعني كلام - 00:55:37

ناس مصبوغة بالوحى قال السطر اللي جاي ده يعني اخر سطرين دول اللي هيفهمهم منكم وهم يعمل بهم انا بقول له ان شاء الله موعدك عند الحوض هيكون لقاء مشرف مع النبي صلى الله عليه وسلم - 00:55:51

يقول ولكن الطرق كلها غير موصولة اليه. يعني مش كل دى بتوصل الفكره دى بل لعل اكترها انما يوصل الى ضده بيقول لك ابن قيم كل اللي انا قلته لك اصلا ممكن الوصول للضد. ولم ارى في جميع هذه الطرق طريقا موصولة الاقبال على - 00:56:10

الله ومعاملته وحده وايشار مرضاته على كل شيء هو ده الهم انك تكون تصحى كده مهموم. ايه اللي يرضي سيدي النهاردة ما الذي يفربني من ربى اكتر يقول فان سالك هذا الطريق ان فاته حظه من الدنيا فقد ظفر بالحظ العالى الذي لا فوت معه - 00:56:31

الى كل اخت في بيتها وكل راجل في عمله احفظ لحد السطر ده سالك الطريق ده لو فاته حظ من الدنيا. فاتك حاجة من الدنيا. فقد ظفرت بالحظ العالى الذي لا فوت معه. واحنا اتفقنا هنشتغل الوقت امته ؟ - 00:56:55

اربعة وعشرين ساعة وقت بكرة ستة ونص. بعد كده غدا القيامة ولتنظر نفس ما قدمت لغد. بكرة يوم القيمة. بكرة وان حصل للعبد

حصل له كل شيء وان فاته كل شيء. من وجد الله ماذا فقد - 00:57:14

ومن فقد الله ماذا وجد؟ وان ظفر بحظه من الدنيا ناله على اهنا الوجوه فليس للعبد انفع من هذه الطريق ولا اوصل منها الى لذته وبهجهته وسعادته وبالله التوفيق - 00:57:35

ابن القيم ده راجل جميل او اي اشوفه وهو في قبره ودخل قبره من كم سنة واه وقاعد يغري في حسنات واحنا قاعدين النهاردة اهو في الایه؟ في المجلس اللي احنا فيه ده - 00:58:00

سبحان الملك واسأل الله سبحانه وتعالى ان يوفقا واياكم لكل خير. وان ينفع بنا وبكم حيثما كنا وكنتم ويمن علي وعليكم بحسن العمل وحسن الخلق وحسن الختام و يجعلني واياكم من العاملين لدين الله - 00:58:15

والمقبولين على الله. ونؤثر مرضاته على كل شيء طيب الله ذكركم وانعش ارواحكم ويسر اموركم وانزل السكينة في قلوبكم واصلاح بالكم ونور طريقكم وثبتكم على التوحيد والاتباع حتى تلقوه وهو راض عنكم - 00:58:35

السلام عليكم ورحمة الله وبركاته - 00:59:00